

S A I D E

Ide, t'istimo cun sinseru amore
prite m'est cara sa virtude tua:
in capidanni mi attis sa ua,
intro annada e sempre su licore.

Ses de un'incantevole sapore;
frutta, t'ammiro fina s ses crua. (1)
Cun s'alta e generosa opera sua,
sa ide, nos dhat gustu e bon'umore. (2)

In s'Altare presentas Sacra cosa,
unu valore supresu e Divinu;
bastana pagos luttios de imu

pro consacrare s'Ostia amorosa;
sentida funzione religiosa,
chi palpitos nos dada intro su sinu. (3)

- (1) Perché è sempre bella pendente sulla vite
(2) Gradevolezza e allegria
(3) I battiti che ci dà il cuore per la commozione
della procedura religiosa

11 15 Agosto 1959

Disyeny

NONNU MEU
=====

Personazzu cumpostu e delicadu,
altu,imponente,cun s'alva bianca,
rispettosu cun tottu e istimadu,
de fagher bellu e de manera franca.

Nonantabattor'annos contait
eppuru fut ispicciu,e in sa banca
tottu cumprimentosu si seit,
servendosi 'e sa dresta e de sa manca.(1)

Quine sempre allegru,'e bona liga,
simpaticu,in custumine e pulidu,
derettu chi pariat una riga;

cun tottu fut affabile e cumpridu;
generalmente 'estiat de fadiga (2)
ca su 'aribagliu non li fut nemigu.

(1) Per il buon appetito che aveva

(2) Sempre pronto a sbrigare le faccende sue

11 15 Agosto 1959
=====

Diogenes

S U D I S T A C C U D E S ' A N I M A

Cando s'ora ad a benner de lassare
su corpus a su mundu abandonadu,
torro giulivu, 'e nou, a t'abbrazzare,
Antonina, chi sempre m'has amadu.

Astru lughente: has'a continuare
a mi dare sas curas chi m'has dadu,
cand'in su mundu sos coro umpare
viviana in allegru e dulce istadu.

Mi so sonnadu, a bortas, de aer didu
chi s'anima immortale in Paradisu
aiat sa dimora istabilidu,

mentre su corpus in istadu prezisu,
de eternu abbandonu, isfiguridu,
restadu est chene vida nè sorrisu.

LI 15 Agosto 1959

Diogene